



MUBIL
MOBILITY
AWARDS

MUBIL

«Mubil 2021: Mugikortasun sariak» izeneko sariak emateko lehiaketa publikoa arautzen duten oinarriak.



1. Objektua.

Oinarri hauen xedea da sari hauek arautzea: «MUBIL 2021: Mugikortasun sariak».

MUBIL estrategiaren helburua da Euskadi, mugikortasun berrian eta energia metaketan, industri erreferente bihurtzea nazioarte mailan. Estrategia hori mugikortasun berriaren poloan gauzatzen da, topaketarako, elkarrekintzarako eta integraziorako espazio-ekosistema bat, non aukera berriak sortzen baitira. Agertoki horretan, berrikuntza bihurtuko da estrategia eta lehiakortasun faktore enpresak eta gizartea garatzeko.

Testuinguru horretan, MUBIL 2021 sariak saritu nahi dituzte gutxienez prototipatze fasean dauden inpaktu handiko teknologietako proiektuak. Fase horretan egoteak esan nahi du badagoela bideragarria den gutxienerako produktu bat edo eredu bat (irudikapena, erakustaldia edo simulazioa), identifikatutako arazoa konponduko duena eta MUBIL strategiaren jarduketa eremuekin lerrokatuta dagoena. Zehazki:

- Mugikortasun konektatua.
- Mugikortasun autonomia.
- Mugikortasun partekatua.
- Mugikortasun elektrikoa.
- Erlazionatutako azpiegiturak.

2. Parte-hartzaileak eta proiektuaren betekizunak.

Aurkeztutako hautagai zerrendek honako baldintza hauek bete beharko dituzte:

- Sari hau prototipatze-fasean dauden eta eragin handia duten proiektuetara zuzenduta dago.

Prototipatze fasean egoteak esan nahi du badagoela bideragarria den gutxienerako produktu edo zerbitzu bat edota identifikatutako arazoa konponduko duen eredu bat (irudikapena, erakustaldia edo simulazioa), merkaturatzeko puntuan edo merkaturatze fasean dagoena.

Era berean, inpaktu handiko proiektuak hartzen da osagai berritzaile nabarmena duena eta, teknologiarik esker, mugikortasun adimendunaren eta jasangarriaren eremuan eraldaketa eragin dezakeena.

- Parte hartu ahal izango dute:

- Estatuko edo nazioarteko edozein ekintzailek edo ekintzaile taldek.
- Estatuan edo nazioartean eratuta dauden sozietateek, baldin eta ez badute euren kapitala milioi bat euro baino gehiago handitu azken 3 urteak metatuta, edo azken ekitaldian 500.000 euro baino gehiago fakturatu ez badute.
- Estatuko edo nazioarteko zentro teknologikoak eta unibertsitateak.



-Saritutako proiektua Gipuzkoan bizi ez den ekintzaile, enpresaburu indibidual, teknologia zentro, unibertsitate edo ekintzaile talde batena bada, saria onartzeak esan nahi du proiektua gutxienez urtebete garatu beharko dutela Gipuzkoan. Saria lortu eta hurrengo 12 hilabeteetan sozietate bat eratzen bada, Gipuzkoan eratu beharko da, eta sozietatea Gipuzkoatik kanpo eratauta badago, gutxienez "filial" bat eratu beharko da Gipuzkoan.

Lehiaketan parte hartu ahal izateko, pertsona fisikoek eta/edo juridikoek ezin dute Gipuzkoako Lurralde Historikoko diru laguntzei buruzko martxoaren 27ko 3/2007 Foru Arauak 12. artikuluan onuradun izaera lortzeko adierazitako debekuetakoren bat izan, eta oinarri hauetan adierazitako gainerako baldintzak bete beharko dituzte.

Aurreko atalean adierazitakoa eskatzailearen erantzukizunpeko adierazpen baten bidez egiaztatuko da.

Lehiaketan parte hartzekotan, oinarri hauek onartu egin behar dira.

3. Eskaerak aurkezteko modua eta epea.

a) Eskaeren erregistroa:

Eskaerak honako esteka honen bidez erregistratuko dira (<https://www.mobilityawards.mubil.eus>) eta horretarako prestatutako berariazko inprimakia bete beharko da.

Eskaerak aurkezteko epea hilabetekoa izango da, oinarri arautzaile hauek Gipuzkoako Aldizkari Ofizialean argitaratu eta biharamunetik hasita.

Parte-hartzaile bakoitzak proposamen bat baino gehiago aurkeztu ahal izango du, betiere proposamen desberdinak badira, eta edozein unetan ezarritako epearen barruan. Gehienez, 5 proposamen onartuko dira. Hala ere, ezingo du sari bat baino gehiago eskuratu, deialdi bakoitzean.

Erregistratzeko prozesuaren bidez, parte-hartzaileek honako hau adierazten dute:

-Oinarriak onartzen eta betetzen dituztela.

-Parte-hartzaileak edo parte-hartzaileek behar bezalako baimena dutela proposamena aurkezteko, baita lehiaketak irauten duen bitartean beharrezkoak diren izapideak eta/edo jarduketak egiteko ere.

-Beren irudi-eskubideak MUBIL fundazioari lagatzen dizkiotela, MUBIL sarien esparruan.

-Datuak babesteko klausula onartzen dutela eta klausula horren arabera tratamendua onartzen dutela.

-Emandako informazioa fidagarria dela.



-Aurkezten dituzten ideien egile intelektualak direla, eta ez dutela informazio pribilegiaturik edo beharrezkoak diren baimenik gabe erregistratutakorik erabili.

-Egileak erantzule direla jabetza intelektualari edo jabari pribatuko informazioa erabiltzeari buruzko edozein erreklamazioren aurrean, MUBIL fundazioa kalterik gabe mantenduz erreklamaziorik egonez gero.

-Eskatzen zaien informazio gehigarria emateko konpromisoa.

-Irabazleak iragarri aurretik, taldearen eraketan izandako aldaketen berri emateko konpromisoa.

-Proposatutako irtenbidea frogatuta dagoela edo, gutxienez, frogatu behar da proposatutako irtenbideak bere helbururako funtzionatzen duela erakusten duten adierazle edo proba nahikoak daudela.

b) Dokumentazioa bidaltzea:

Deialdiaren informazioa eta eskaera-inprimaki normalizatuak helbide elektroniko honetan egongo dira eskuragarri: (<https://www.mobilityawards.mubil.eus>)

Eskaerarekin batera, agiri hauek aurkeztu behar dira:

-Eskaera orria normalizatua, eranskinean jasotzen dena.

-Ideiaren laburpen exekutiboa, gehienez bi orrikoa, ideiaren alderdi eta balore nagusiak jasoko dituen.

-Memoria, eranskin honetan jasotako eredu normalizatuaren arabera. Agiria, gehienez ere, 20 orrikoa izango da.

-Pertsona fisikoak: Bizilekuko errolda agiria.

-Pertsona juridikoak: Eraketa eskriturak eta Ogasunarekin eta Gizarte Segurantzarekin egunean egotea.

-Oinarri hauetako baldintzak betetzen dituela adierazten duen erantzukizunpeko adierazpena, eranskin honetan jasotako eredu normalizatuaren arabera.

4. Sariak.

Sari hauek izango dira:

Lehenengo saria:

-25.000 euroko zuzkidura ekonomikoa.

-Espazioa MUBIL bulegoetan edo Bic Gipuzkoa Berrilan SA inkubagailuan, urtebetez (7.500 € gehienez).

-Proiektua ekosistemarekin kontrastatzeko aukera.

-Emitzak sustatzea eta zabaltzea.

Bigarren saria:

-10.000 euroko zuzkidura ekonomikoa



- Espazioa MUBIL bulegoetan edo Bic Gipuzkoa Berrilan SA inkubagailuan, urtebetez (7.500 € gehienez).
- Proiektua ekosistemarekin kontrastatzeko aukera.
- Emitzak sustatzea eta zabaltea.

Aipatutako sariez gain, Bic Gipuzkoa Berrilan SAren aholkularitza izango dute haien ideiak azkartze aldera, aurretik sarituek onartuta, baldin eta ideia horiek bultzatu edo garatu badaitezke ekimen berriaren bideragarritasunaren, abiaraztearen eta garapenaren azterketa egiteko dauden prestakuntza programen eta ekintzen bidez, betiere, horietan adierazitako baldintzak betetzen badira. Era berean, Bic Gipuzkoak berrikuntzan, enpresa-kudeaketan eta Informazioaren eta Komunikazioaren Teknologia berrietan (IKT) eskainiko duen prestakuntza jaso ahal izango dute, ekimenaren beharren arabera.

Sarituen izena eta irabazle suertatu diren ideiak hedabideetan zabalduko dira.

Zuzkidura ekonomikoa Gipuzkoako Lurralde Historikoan indarrean dagoen araudiak ezartzen duen zerga-atxikipenaren mende egongo da.

5. Instrukzioa.

Sariak emateko prozeduraren instrukzioa Mubil Fundazioko talde teknikoak egingo du.

Ofizios egingo dira ebazpen proposamena emateko kontuan hartuko diren datuak zehazteko, ezagutzeko eta egiaztatze beharrezkotzat jotzen diren jarduera guztiak.

6. Sariak ematea.

Sariak elkarrekiko norgehiagokaren prozeduraz emango dira, eta deialdi eta hautaketa prozesu bakarra egingo da.

Hautaketa, printzipio hauen arabera egingo da: publikitatea, gardentasuna, lehia, objektibotasuna, berdintasuna, koherentzia eta diskriminaziorik eza.

Sariak emateko prozedurak fase hauek izango ditu:

- I. Aldez aurreko azterketa eta hautagaien aurretiko hautaketa.

Proiektu bakoitza jaso ondoren, jasotako proposamenen aurretiazko azterketaren fasea hasten da. Azterketa horrek irizpide hauek izango ditu ardatz:



- Merkatura iristea: proiektu batek duen gaitasuna merkatu premia bati erantzuten dion eta negozio eredu jasangarria duen produktu edo zerbitzu bat garatzeko.
- Berrikuntza maila: proiektuak arazo bat konpontzeko duen gaitasuna eta konponbiderako produktuaren/zerbitzuaren berrikuntza maila.
- Inpaktua eta potentziala: hazteko eta aldaketa garrantzitsu bat sortzeko gaitasuna.
- Aurkezpena: bidalitako informazioa aurkeztea.
- Deialdiaren oinarriak betetzea.

MUBIL Fundazioko eta Bic Gipuzkoa Berrilan SAko langileek osatutako Batzorde Tekniko batek aztertuko ditu eskaerak, eta horien balorazio txosten bat egingo du, analisiaren ondoren lortutako puntuazioaren arabera proposamenen aurretiko hautaketa egiteko.

II.Hautatutako proiektuak aditu talde baten aurrean aurkeztea.

Aurrez hautatutako proiektuei dei egingo zaie beren ekimena aurkezteko. Ebaluazio batzorde bat izendatuko da aurkeztutako proposamenak baloratzeko.

Batzorde hori ekintzaitzaren ekosistemako ordezkariak, enpresetako zuzendariak eta erakunde publikoetako ordezkariak osatuko dute.

Batzordeak edozein sari eman gabe utzi ahal izango du hautagaiak eskatutako kalitatera iristen ez badira, behar bezala arrazoituta. Ebaluazio batzordeak honako irizpide eta baremo hauek hartuko ditu kontuan aurkeztutako proiektuak ebaluatzerakoan:

- Merkatuaren erakargarritasuna.
- Balioa eta lehiatzeko abantaila eskaintzen duen proposamena.
- Negozio eredua.
- Bideragarritasun teknikoa eta ekonomikoa.
- Taldea eta ekintzaitza orientazioa.
- Eskalabilitatea.
- Proiektua abian jartzeko beharrak (ekintzailea bada).
- Aurkezpena/Pitch



Ideiaen aurkezpen laburra honako hauek jasoz, besteak beste: konpontzen duen arazoa, dagoen eskaera, emandako konponbidea (balio proposamena), negozio eredua eta arrakasta izateko arrazoia.

7. Sarien ordainketa.

Sarien zenbatekoa onuradunei ebazpena jakinarazi eta berehala ordainduko da, betiere deialdiaren ekitaldian. Saria irabazle suertatu den pertsona fisiko edo juridikoaren izenean dagoen banku kontuan ordainduko da, eta indarrean dagoen araudiak ezarritako zerga atxikipenaren mende egongo da.

8. Konfidentzialtasuna, irudi eskubideak eta jabetza intelektuala eta industrial.

Mubil Fundazioak eta deialdiaren ebaluazio batzordeak konpromisoa hartzen dute aurkeztutako hautagaien konfidentzialtasuna gordetzeko prozesu osoan zehar.

Parte-hartzaileek oinarri arautzaile hauek onartzeak berekin dakar berariazko baimena ematea Mubil Fundazioak publizitate eta hedapen jarduerak egin ditzan, soilik deialdiarekin lotutako informazio helburuekin.

Proiektuaren eskubideak eta edukiak, ezarpen fasean garatutakoak, irabazle izan den pertsona fisiko edo juridiko bakoitzarenak izango dira; gainera, lortutako emaitzak zabaltzeko lanak ere egin ahal izango dituzte pertsona horiek.

Saridunek izaera horren publizitatea egin ahal izango dute idazpuru, iragarki eta memorietan, baita sarien berri eman edo argitaratu ere edozein komunikabidetan.

9. Datu pertsonalen babesa.

Datu Pertsonalak Babesteko eta Eskubide Digitalak Bermatzeko abenduaren 5eko 3/2018 Lege Organikoa betez, Mubil Fundazioak antolatu eta sustatutako sarien esparruan ematen diren datu pertsonalak Mubil Fundazioak tratatuko ditu, tratamenduaren arduradun gisa, honako helburu hauekin:

-Mubil 2021 sariaren garapena, kudeaketa eta kontrola ahalbidetzea, lege oinarri hauen arabera.

-Parte-hartzaileek emandako irudiak eta Mubil 2021 sarietako fase eta ekitaldietan lortutakoak tratatu,



eskuratu eta/edo zabaltzea, lege oinarri hauetako "irudi eskubideak eta jabetza intelektuala eta industrial" atalean adierazitako baldintzetan.

-Mubil Fundazioaren jardueri, ekitaldiei eta/edo ekimenei buruzko komunikazioak bidaltzea, edozein bitartekoren bidez (bitarteko elektronikoak barne).

Hautagaiek sari honetan parte hartzeko emango dituzten datu pertsonalak egiazkoak eta zehatzak izango dira. Hautagaiek bermatzen dute ematen dituzten datu pertsonalen titularren baimena dutela MUBIL Fundazioari jakinarazteko, lege oinarri hauetan aurreikusitako helburuekin. Datu pertsonalak gorde egingo dira ezabatzeko eskatzen ez den bitartean.

Datu pertsonalak eskuratzeko, zuzentzeko edo ezabatzeko eskatu ahal izango da, baita datuen tratamendua mugatzeko eta transferitzeko ere, aplikatzekoa den araudian aurreikusitako arrazoiak edo inguruabarrak gertatzen direnean. Horretarako, honako helbide elektronikoa erabili ahal izango da eskaera bideratzeko (mubil@mubil.eus), betiere NANaren fotokopiarekin edo nortasuna egiaztatzen duen beste edozein agirirekin batera, MUBIL Fundazioari zuzenduta

Azkenik, jakinarazten da, halaber, Datuak Babesteko Espainiako Agentzian erreklamazio bat aurkezteko eskubidea duela, baldin eta jakiten badu edo uste badu gertaera batek urratu egin dezakeela datuen babesaren arloan aplikatzekoa den araudia.

10. Araubide juridiko aplikagarria.

Oinarri hauetan aurreikusitakoaz gain, aplikagarri izango da 3/2007 Foru Araua, martxoaren 27koa, Gipuzkoako Lurralde Historikoko dirulaguntzena.